

Powšitkowne WOZJEWJENJA

njedźelu, 4. awgusta 2019

Spěwny wječor na Kukowskim hrodźišću

Młodostnych a wšitkich zajimcow přeprašujemy na spěwny wječor, kotryž zahaji so pjatk, 9. awgusta, w 19.00 hodź. na Kukowskim hrodźišću. Při tym móža wšitcy nowy młodźinski spěwnik „Na puć z nami“ zeznać a při lěhwowym wohenju spěwać, hudźić a Boha chwalić. Wjeselimy so na was! *Dekanatne dušepastyrstwo za młodźinu*

Kemše za wučerjow a kublarjow

Wšitcy wučerjo a kublarjo su srjedu, 14. awgusta, we 18 hodź. wutrobnje na Božu mšu do Róžanta přeprašeni. W poslednim prózdniskim tydženju móža so tak tež duchownje na nowe šulske lěto nastajić.

„Žiwjenju křidła dać“

Dom biskopa Bena w Smochćicach přeprašuje wšitkich, kotřiž sami bydla, wot soboty do njedźele, 31. awgusta, do 1. septembra, na zhromadnej dnjej z druhimi singlemi. Pod hesłom „Žiwjenju křidła dać“ poskića so wšelake temowe koła a zhromadne akcije. Nadrobniše informacije dóstanu zajimcy pola Ansgara Hoffmanna, telefonowe čisło (03 59 35) 2 23 17 abo w internete pod www.benno-haus.de.

Zwjazk Carity pyta hladarjow

Hornjołužiski zwjazk Carity pyta fachowy personal hladanja chorych ludži w swojimaj socialnymaj stacijomaj w Kamjencu a Budyšinje. Džěłowy čas je fleksibelny a na službne potřebnosće wusměrjeny. Zwjazk Carity skići njewobmjezowane džěłowe zrěčenje hač do 30 hodźin wob tydžeń. Nadrobne informacije k žadanjam na městna nańdu zajimcy na internetowej stronje www.caritas-oberlausitz.de pod rubriku aktualne wupisanja džěłowych městnow. Tež telefonowe naprašowanja su móžne pola Sylwije Scholz, telefonowe čisło (0 35 91) 49 82 88 abo pisomne z mailku na s.scholz@caritas-oberlausitz.de